



Indgået

- 5 MAR. 2018

NAMMINERSÖRLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inatsisartunut ilaasortaq
Villy Olsvig, Inuit Ataqtigiit
Maani/

§ 37 naapertorlugu apeqqummut 54-imut akissut.

Inatsisartut suleriaasissaanni § 37, imm. 1 naapertorlugu Royal Greenland A/S-imut tunngatillugu Naalakkersuisunut apeqquteqaateqarsimavutit. Apeqqutit suliassaqaarfisannit akineqartussangorlugit innersuunneqarput.

Naalakkersuisut Royal Greenland A/S-ip ingerlanneqarneranut akuutinneqannginnamik apeqqutit Royal Greenland A/S-imit akineqartussangorlugit nassiunneqarput. Taamaammatt ataani akissutit Mikael Thinghuus-ip Royal Greenlandip porsortaanerani akissutaanik issuaanerupput.

01-03-2018
Suliap nr: 2018 - 5555
All nr: 7397942

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqut 1: RG-p nunatta avataani allaffissornikkut qullersaqarfia qassinik sulisoqarpa?

Apeqqummut 1-imut akissut: Royal Greenlandip § 37-imut apeqqummut nr. 259-imut 2015-imeersumut akissutaa innersuunneqarpoq Villy Olsvig-ip apeqqutaanut 1-imut 2-mullu tunngaviatigut assigaa. 2015-imi akissut 2013/2014-imi ukiumut nalunaarusianit kisitsisinik tunngaveqarpoq. 2017-imut Ukiumut nalunaarusiaq piareersarneqarpoq kisitsisillu nutaanerpaat nalunaarusiami ilaassapput.

Apeqqut 2: RG-p nunatta avataani allaffissornikkut qullersaqarfiani sulisut nunatta avataani qanoq annertutigisumik namminneq nunagisaminnut / najugaqarfiminnut ukiumut katillugit akileraartarpat?

Apeqqummut 2-mut akissut: Apeqqummut 1-imut akissut takuuk.

Apeqqut 3: RG-p nunatta avataani allaffissornikkut qullersaqarfiani sulisut ilai imaluunniit tamaasa nunatsinnut nuunneqarsinnaanerani pilersaaruteqartoqarnerluni?

Apeqqummut 3-mut akissut: Suliffeqarfissuup suliassaqaarfiini pissutsit atuuttut naapertorlugit qanoq pitsaanerpaamik suliassat suliarineqartassanersut ingerlaavartumik nalilersuisoqartarpoq. Ukiuni kingullerni tallimani suliffiit nutaat 600-t tungaannut Kalaallit Nunaanni pilersinneqarsimapput.

Apeqqut 4: Ummannap sulluani ukioq manna tunisassiorfiit marluk unipput taakkulu aamma peqqumaasivii / qerititsivii atorunnaarput,

tunisassiorfiit sinnerinut eqiterunneq sunniuteqarnerlussagatinneqarnerluni?

Apeqqummut 4-mut akissut: Ummannami tunisassiorfik allilerneqarsimavoq tunisassiornera marloriaatinngorluni qerititsivialu marloriaatinngorluni, taamaammat nunaqarfinni inuerutinneqartuni marlunni suliarineqarsinnaasut qerititsiveqarsinnaanerlu annerusumik taarserneqartutut oqaatigineqarsinnaavoq.

Apeqqut 5: Ummannap sulluani peqqumaasiveqarnikkut / qerititsiveqarnikkut annertusaasinnaanernik takorluisoqarnerluni?

a. a. taamaassimappat suni inoqarfinni takorluisoqarpa?

Apeqqummut 5-imut akissut: Apeqqummut 4-mut akissummi takuneqarsinnaavoq taamaaliortoqarsimavoq. Taakku saniatigut Saattuni aasaru suliarisinnaasat qerititsiveqarnerlu allilerneqartussaapput.

Apeqqut 6: Ummannap sullua eqqarsaatigissagaanni maanna ukiumut qalerallit assat agguanneqarsimalerput, annikinnerusumik imaluunniit annertunerusumik killilersuisoqartarnerluni? Taamaattoqarsimassanngipat:

a. Ullormut qalerallit Ummannami qanoq annertutigisut tiguneqarlutillu tunisassiarineqarsinnaappat?

b. Ullormut qalerallit Ummannami tunisassiorfiup tigusinnaasai aalisartut qassit missaasa tunisineranik aallaaveqartarpat?

c. taamatuttaarlu aalisartut sulii qassit ullormut tunisisinnaagaluarpat?

d. taakkulu tunisisinnaanngitsut ullormut allamut tunisisussanngortinneqartarnerlutik?

Apeqqummut 6-imut akissut: Ummannami suliffissuaq ullormut qalerallit 40 aamma 50 tonsit missaannik tigusinnaavoq. Suliffissuaq nutaaq aallartimmalli Ummannap illoqarfiani tunisinissamut killilersuisoqarsimannngilaq.

Ummannamut tunineqartartunit aalisakkanik amerlanernik tigusisoqarsinnaavoq.

Aalisartut amerlassusaat nikerartupilussuuvoq.

Suliffissuarmut talittarfimmullu pilersaarusiornermut atatillugu aalisartunut tamanut qaqugu tunisinissaannut pilersaarusiortoqarpoq ilisimaniassammatigik qaqugukkut tunisisinnaanerlutik.

Apeqquut 7: RG-p tunisassiorfia Kangaamiuni peqqumaasiveqarnikkut qerititsiveqarnikkut inerisarneqarnissaanik takorluuisoqarnerluni?

a. a. taamaassimappat tamanna qaqugu naatsorsuutigineqarpa?

Apeqquummut 7-mut akissut: Kangaamiuni alliliisoqarnissaanik pilersaaruteqartoqanngilaq.

Apeqquut 8: RG-miit ukioq 2017 inoqarfinni suni umiatsianik soorlu POCA 600 aquuteralleriikkanik aammalu atortorissaarusersukkanik aalisartunut ikaarsaartitsisoqarpa?

Apeqquummut 8-mut akissut: Royal Greenland A/S 2017-imi sinerissatsinni aalisartorpassuarnik ikiuisimavoq, annermilli Upernavimmi, Uummannami, Qeqertarsuup Tunuani aamma kujataani Aappilattumi.

Apeqquut 9: RG-mi nalittorsaanermut nunatsinnilu tamakkiinerusumik tunisassiarisarnissaanut pilersaarusiortoqarnerluni?

a. a. taakkualu suuppat?

Apeqquummut 9-mut akissut: Royal Greenland A/S saarullinnik qaleralinnillu ukiut tamaasa nalitusaaniarnermik annertusaasarpoq, tamannalu sulisut amerlassusaatigut takuneqarsinnaavoq, 800-t missaannit 1400-t missaannut amerlisimallutik.

Apeqquut 10: Nipisaat / arnarluit suaanik tamakkiinerusumik nalittorsaasoqarnissamik suliniuteqartoqarnerluni?

Apeqquummut 10-mut akissut: Kalaallit Nunaanni nalitusaanerunissaq isumaqanngilaq, matumani ilaalluni pisiniarfinni tuneriaannanngorlugit poortuinerit, pisisartut pisariaqartitaat taamalu nioqqutissiat inaakkat qaammammit qaammammut allaallumi sapaatit akunnerinit sapaatit akunnerinut allanngorarinnaasarmata, taamaammallu nioqqutissat Europami niuffaffinnut sapinngisamik qanitsillugit naammassillugit suliarineqarniartarlutik.

Inussiarnersumik inuulluaqqusillunga

Karl-Kristian Kruse

Aalisarnermut Piniarnermullu Naalakkersuisoq